

docsriver 文川网  
入驻商家 古籍书城

在文川网搜索古籍书城 获取更多电子书

docsriver 文川网  
入驻商家 古籍书城

在文川网搜索古籍书城 获取更多电子书

docsriver 文川网  
入驻商家 古籍书城

在文川网搜索古籍书城 获取更多电子书

K22  
H317  
345

docu... 文川网  
入驻商... 古籍书城  
在文川网搜... 获取... 电子书

中國方志叢書·華南地方·第二四八號


據

清光緒六年重刊本  
清光緒六年重刊本  
黃士傑撰

影印

雲南省

# 雲南省城六河圖說



26966

成文出版社有限公司印行



\*10101834\*

中華民國六十三年六月壹一版

# 雲南省城六河圖說

全 册

發行人：**黃 成 助**

台北市郵政信箱二二六〇五號

出版者：**成文出版社有限公司**

台北市郵政信箱二二六〇五號

台北市濟南路三段二十七號之二

電話：七八七〇二五

印刷者：**成文出版社有限公司**

內政部登記證內版台業字第一一四七號

光緒庚辰年重鐫

雲南省城六河畲說

糧署存板

docsriver 文川网  
入驻商家 古籍书城

在文川网搜索古籍书城 获取更多电子书

六  
河  
總  
圖



大河總圖說

黃士傑

會城六河雖各有源但其源甚小其流無多除盤龍江水勢稍大原成河形來自嵩明州邵甸里至小東門以上河低田高不用江水灌溉東岸田畝係用金汁河水西岸田畝係用銀汁河水至分水嶺以下河高田低方用江水涵洞灌溉每遇春時雨水缺乏竟成乾河雨水沾足方能有水稍潤田畝若夏秋間雨水盛行山水漲發流入河內不能容納或致沖決漫溢淹壤民居利害相因勢使然也議者於夏秋間沖溢時查勘輒以創始之時立法未善河底太淺河身

太窄非挖深開寬難以暢流其說近理蓋以盤龍一江環護城市所最要緊者專防水害弗論其利其餘諸河如金汁銀汁馬料海源寶象等河分支最多俱資灌溉時值栽插滴水如金若將河挖深則水低田高若將河身開寬則水散流淺以防水害則得以收水利則失矣且歷年以來相度情形夏秋間充溢害不及一春夏間灌溉利不及百深且寬則爲利少淺且窄則爲利多古人於利害之間權度輕重備極苦心垂爲良法勿庸漫爲更張者也夫水利旣不可失而水害又不可不防除河堤加高培厚并疏通河尾

外非開子河別無長策查各河應開子河之處有原  
有河形日久淤塞漸被耕佔有原無河形今應改修  
關係民田者是宜徹底清查耕佔退出民田給價所  
開子河大者建閘壩小者修涵洞可閉可啟可蓄可  
瀉可收水利可防水害方爲長策至昆陽海口原瀉  
昆海水勢宜以疏通爲要除大修開挖海口河身外  
其歲修開挖塘子留住沙泥雖不能一勞永逸而子  
河少入一分之泥則大河少受一分之淤塞補偏救  
弊大概爾斯已



盤龍江圖說

盤龍江在會城東北來自嵩明州邵甸里其源有三

一自黃龍洞流百里一自黑龍潭一自冷水洞各流

二十里至三家村入石峽合流三十里至松華壩此

壩建自元時咸陽王賽典赤於鳳嶺蓮峯二山箐口

水出川原之間建松華壩以時啟閉自松華壩由蓮

峯山麓會城東門南壩一帶至雄川閣共計七十里

許由羅公閘入昆海又自松華壩蓮峯山麓鑿開一

河名金汁河此盤龍江之分支也其盤龍江自松華

壩流三十里許至分水嶺分爲二支一支向南流里

許又分一支名採蓮河向西流入草海又流里許至南壩閘西流里許分三支一名金家河向西流入草海一名太家河一名楊家河俱向西流入草海又自分水嶺一支向西流里許又分二支一向西流出馬蹄閘名永暢河西流入草海一向北流里許至柿花橋又分一支名板壩河向西流入草海其正支流里許至小澤口下又分一支名西壩河流由兜底閘入草海又自小澤口下向北流入護城河向西流里許至小西門外牛心閘流半里許又分一支名湧蓮河向西流入草海又一支自湧蓮河向西北流至紅廟

名魚翅河向西流至土堆轉向南流入草海此盤龍江之源流也 此河情形自分水嶺以上東岸田畝係用金汁河水西岸田畝係用銀汁河水俱不藉盤龍江灌溉自分水嶺以下正河支河各派均屬田高河低俱用水車車入田中至修理事宜自小東門至分水嶺由馬蹄閘桂香橋轉小澤口雞鳴橋入護城河兩岸關係民居者民自修理關係田畝者官管修理又自分水嶺下正河支河各堤岸俱係田畝官管修理如石工椿木官爲動項買備其土工人夫各按田畝派出此河規模已定無可更易惟楊家河頭水

勢不順沙泥壅塞水流紆緩不利灌溉應將河頭改  
順修分水雞嘴一座以均分金太楊三河庶沙泥  
不致壅塞灌溉亦屬便利又小西門外另有轉塘河  
係省城運糧之道居民耕佔灑秧及半水涸時舟行  
不利應禁止河內灑秧開通河道以資輓運



## 金汁河圖說

金汁河在會城東北自松華壩分注盤龍江水由蓮  
峯山麓向西流壩旁設撇水大閘送水入盤龍江以  
防水大漫溢河堤又撇水閘下設鎖水閘以平水勢  
水小則開閘枋注水入金汁河以收水利水大則閉  
閘枋送水入盤龍江以防水害又鎖水閘上面卽係  
留沙橋以防水發時送蓮峯山箐沙泥送入盤龍江  
免致壅塞金汁河身又留沙橋下數丈設撇水小閘  
又數丈設瀉水小閘自瀉水小閘至接迎橋西流里  
許至大將村下轉南由東山麓流三里許設戴金箔

閘又流七里許設漫水閘又流五里許設大小韓冤  
二閘以上各閘水大則開閘枋將水送盤龍江以免  
漫溢水小則閉閘枋將水收入金汁河以資灌溉又  
自韓冤閘十五里許設小壩開閘下流開成小河以  
時啟閉灌溉東門一帶田畝並瀉河水流入盤龍江  
又自小壩閘南流里許設三元閘閘下流卽明通河  
以時啟閉灌溉東門一帶田畝并瀉河水入海又自  
三元閘南流五里許至金馬山轉西南流設漫水閘  
分瀉河水入王寶海又自漫水閘流里許設廣南衛  
溝灌溉田畝導水入王寶海又自廣南衛溝頭迎恩

橋轉北流二里許又轉西流至地藏寺又轉南流二里許至吳井橋流里許設金棱閘分河水向西流由明通河十字閘送水入盤龍江又自金棱閘南流七里設民軍溝洞引水入下五排三塘九圍乃積水堰塘每年自正月起至三月初旬沿河田畝不需河水之時將水收入堰塘之內以資灌溉又軍民溝頭南流三里許設燕尾閘正河分爲二支一支東南流入三塘下游向南入海一支西南流入海金汁河自松華壩起共計七十里許入昆海又三元閘下匯爲明通河自東門一帶由塘子巷直向南流夾於盤龍金

汁二河之間流三十里許入昆海此金汁河之源流也此河情形自松華壩起係就山開河東岸田高水低近者間用車戽灌溉甚少西岸水高田低沿河俱修涵洞放水入田水足封閉灌溉甚多至放水次第分爲五排自松華壩起至韓冕閘爲頭排自韓冕閘起至波羅村爲二排自波羅村起至小壩閘爲三排自小壩閘起至地藏寺爲四排自地藏寺起至燕尾閘爲五排先自五排輪起五排放水五日四排放水四日三排三日二排二日頭排一日半月一週週而復始其松華壩大閘每年係於臘下旬封閘偪水

docsriver 文川网  
入驻商家 古籍书城

在文川网搜索古籍书城 获取更多电子书

入金汁河以資灌溉至次年栽插畢開閘放水入盤  
龍江以瀉水勢至修理事宜石工椿木官爲動項買  
備其土工人夫各按田頭派出再查此河上游楊梅  
一菁山水入河沙泥壅塞河身應建十字流沙橋送  
水入盤龍江以免沖塞又大波村馬料河沙泥衝入  
河內河身已淺河岸甚低應開深河身培高河堤又  
三元閘有楊媽媽河沙泥沖塞河身應於河口建備  
沙壩免入河內并開深河身培高河堤又廣南衛溝  
頭涵洞底下溝身窄小數村田畝不敷灌溉應修高  
涵洞開寬河身又燕尾閘下河尾窄小應開寬河身

培厚河堤以上宜開修各處內有須開挖民田者宜  
徹底查明方可動工

## 銀汁河圖說

銀汁河在會城東北源發黑龍潭由省城東北山麓  
迴環紆流灌溉城東北一帶田畝潭口東開一溝名  
東龍鬚向南流里許入盤龍江西開一溝名西龍鬚  
向西流里許入盤龍江又正河設一大閘因時啟閉  
以資灌溉并瀉水入盤龍江又西流數十丈設一過  
洞由河底瀉水入盤龍江又西流半里許設十字流  
沙關瀉五老山箐水入盤龍江以免沙泥壅塞河身  
又西流半里許開一溝名一瓦水又西流半里許開  
一溝名牛吃水二溝俱向南流灌溉田畝水入盤龍



江又正河西流里許開一堰塘名王公堰每年春分  
積水以資灌溉又西流里許河西岸有白龍潭潭水  
東南流半里許入正河設白龍潭閘又正河西南流  
二里許有王俊閘又西流二里許設小營閘又西南  
流半里許開一堰塘名龍王娘娘堰又西流數十丈  
開一堰塘名驚蟄堰又西南流里許設文殊閘又南  
流二里許設分水閘又南流半里許開一堰塘名古  
城堰又自古城堰東向西流匯入蓮花池瀉水入盤  
龍江銀汁河自黑龍潭起共計二十里許入盤龍江  
此銀汁河之源流也 此河情形水高田低開溝灌

漑分爲三排自黑龍潭起至王公堰爲上一排自王公堰起至龍王娘娘堰爲中四排自龍王娘娘堰起至童子橋下入盤龍江爲下六排每年於臘月初一日封閉黑龍白龍兩潭開口收水入銀汁河以資灌溉次年驚蟄日放河水半月入驚蟄堰春分日放河水三日入王公堰嗣後晝夜長流沿河秧水已足餘水儘放在古城堰其龍王娘娘堰蓄積冬水又東龍鬚溝上水低田高溝水不能入田建龍潭箐閘蓄水灌溉又正河下六排地居河尾排水塘水均不能用於文殊閘上建三箐壩又於楊宣坡箐口門蓮花池

又於北教場上開黑泥塘積秋冬雨水灌溉下六排  
田畝至修理事宜石工椿木官爲動項買備土工人  
夫各按田頭派出再查此河中四排黑白二龍潭水  
合流之處白龍潭水流下沙泥沖塞河身應建送水  
雞舌石岸一堵偪送沙石下白龍潭開入盤龍江又  
老張箐溝口沙泥流下沖塞河身應於溝口建偪沙  
閘一座免致沖塞又北門外一帶地勢低窪東受盤  
龍江漲水爲患西受北教場一帶雨水爲患應將蓮  
花池右和尙閘河身開挖寬長至童子橋下會正河  
尾入盤龍江以免水患

# 寶象河圖說

寶象河在會城東其源有三一自板橋驛城東岫嶠山泉水西南流六十里許至板橋驛城東南轉西門一自驛城北黃龍潭流五里許合三十畝菁泉水一自驛城西北分水嶺向南流三十里許至黃龍潭前與潭水會爲一河流五里許至驛城西門明音寺前會合岫嶠山源水向南迴環流十五里許西有小龍潭水及高坡山水俱匯入正河又正河西流十餘里許至祭虫山又流里許至大石壩分西鴛鴦溝又名鐵索溝向北流十數里許匯白沙河頭又正河頭又

正河流半里許至小石壩分東鴛鴦溝向西南流六  
七里許水仍歸正河其正河入蹊山中向南流四五  
里許轉西流里許出老崔橋向西流里許分蕪線溝  
向西北流十里許入舊門河又正河流十里許分羊  
堡頭溝又流半里許分廣濟溝又流半里許分楊柳  
溝俱向西南流入昆海又正河自楊柳溝流半里許  
至小板橋街之廣濟橋分爲二河一名官渡河向西  
南流一名舊門河向西流官渡河自廣濟橋向西南  
紆迴流六七里許至迎官壩轉西南流五六里許至  
龍石橋又西南流七八里許至龍化橋入昆海又迎

官壩北分一溝流半里許轉西流又分爲三支一支西南流名余家河一支正西流名姜家河一支西北流名小村河俱入昆海舊門河自寶象橋與官渡河分流至寶陽橋向西流半里許開蘆包灣開滄溝俱向西流入昆海又流數十丈分一支名猓羅河向南流十里許入昆海舊門河自猓羅河開口向西北流分清水溝轉西流二十餘里入昆海又舊門河分泥鰍溝於北岸向西北流六七里又轉西流十里許入昆海又舊門河自泥鰍溝向西流半里至天生橋又半里許清明橋又流五六里許至中間又流二十里

許入昆海又寶象河大石壩分西鴛鴦溝由祭虫山下出老崔橋向西北流十里許至响水閘匯白沙河頭流三里許至五馬橋下設頭閘又流半里許設第二閘又分一支名岔溝向西南三四里許水入舊門河又白沙河自第二閘流半里許設第三閘又分一支名小白沙河其白沙正河俱向西南流三里許至七星橋二河仍合爲一向西南流十六七里許入昆海又响水閘上有桃園壩流三里許至五馬橋頭閘會合白沙河由閘北分一支名馬溺河向西北流六里許至楊家橋轉南流六里許至下苜蓿廠向西南

流十里許入昆海寶象河自板橋驛起共計七十里  
入昆海此寶象河之源流也 此河情形自三河黃  
龍潭下合流之處俱係田低河高開溝灌溉流至板  
橋驛城西北一帶河低田高用車戽灌溉例不輪排  
聽其長流上下均分至修理事宜石工椿木官爲動  
項買備土工人夫各按田夫派出再查此河雨水泛  
漲河內不能容納宜開支河以瀉水勢查楊柳溝涵  
洞當水勢頂冲迎水送水應增修石工開爲上下兩  
洞下洞流清水上洞作漫水閘流渾水洞上修過橋  
橋兩旁值石岸以限水勢勿使過洩有損沿溝田疇



溝身開寬挖深令其暢流再將蘆包灣開寬挖深改  
修涵洞栽插後禁止阻塞涵口再將香條村前溝形  
一道改修涵洞上設漫水閘溝身開寬挖深以瀉水  
勢至此河分流各處近來坍塌甚多其中或應照舊  
修理或應改修以及宜用土工宜用石工圖內難以  
悉載在人因地制宜